

III

bezeichent grozze chelten. Der harn der da hezzet pallidv̄ vn̄ der da hezzet subcytr̄n̄v̄. di bede bezeichent chlein chelten. Der harn der da hezzet subcytr̄n̄v̄. so wennne er ist ein wenich baz. denne der da hezzet pallidv̄. so bezeichent er ein chlein hütze. also tv̄t ovch der. der da hezzet cytr̄n̄v̄. Der harn der da hezzet subroffv̄. di bede bezeichent grozze hütze. bi mittere mazze. Der harn der da hezzet subroffv̄ vn̄ robeov̄. subrobiev̄ndv̄. vn̄ robiev̄ndv̄. in opof. kyanof. viridif. lividv̄ vn̄ der swarze harn. der egeven was gewesen. di alle bezeichent grozze hütze. *vō dē wazzer varbē harnē.*

**D**er wazzer varbe harn so er dvnne ist. so bezeichent er. gar vnmazzigen gebresten. ander dewe. so man sin vil vn̄ ofte s̄ichet. daz bezeichent einen siehtv̄m. der hezzet dyabetef. daz ist so der harn vn̄verdevter v̄z get. So der wazzer varbe harn dvnne ist ander sv̄hte. so bezeichent er ein geswer̄ in dem h̄r̄ne. daz hezzet frenelis. So er lange hat gewert in der einen varbe.